



Broj: 18-05-2-50-897/09.
Datum: 09.04.2009. godine

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 15.4.2009.			
Organizaciona jedinica	Klasifikaciona oznaka	Redni broj	Broj priloga
01-50-1-15-48/09			

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
Predstavnički/Zastupnički dom
-n/r g-dina Beriza Belkića-
Trg BiH 1.
S a r a j e v o

PREDMET: Odgovor na poslaničko pitanje Šemsudina Mehmedovića,-
V E Z A: Vaš akt broj: 01-50-1-15-48/09 od 23.03.2009. godine

Poštovani,

Aktom veze dostavili ste poslaničko pitanje Šemsudina Mehmedovića i zatražili odgovor na isto. S tim u vezi, dostavljamo slijedeće:

1. Ukupan broj sistematizovanih radnih mjesta u Graničnoj policiji Bosne i Hercegovine – 2536, popunjeno je 2130.
2. Prema nacionalnoj strukturi:
 - Bošnjaci- sistematizovani broj - 1040, popunjeno - 864,
 - Srbi- sistematizovani broj 811, popunjeno – 702,
 - Hrvati – sistematizovani broj – 609, popunjeno - 521
 - Ostali- sistematizovani broj 76, popunjeno - 43.
3. Rukovodna radna mjesta (policijski službenici):
 - Direktor- Hrvat
 - Zamjenik direktora – Bošnjak (privremena suspenzija)
 - Pomoćnik direktora za organizaciju i operacije- Srbin
 - Savjetnici direktora (3) – Srbin, Hrvat i Bošnjak (interno raspoređen u TU za Aerodrome)
 - Načelnik Uprave za operacije- Srbin
 - Načelnik Ureda za strateško planiranje i analizu- Hrvat
 - Načelnik Ureda za profesionalne standarde i unutrašnju kontrolu- Bošnjak
 - Načelnik Centra za obuku- Srbin
 - Načelnik Terenskog ureda za Aerodrome- Bošnjak (privremena suspenzija)
 - Načelnik Terenskog ureda Istok- Bošnjak
 - Načelnik Terenskog ureda Sjeveroistok- Srbin
 - Načelnik Terenskog ureda Sjeverozapad- Bošnjak
 - Načelnik Terenskog ureda Zapad- Hrvat
 - Načelnik Terenskog ureda Jug- Hrvat
4. Rukovodna radna mjesta (državni službenici):
 - Načelnik Kabineta direktora - Srbin
 - Načelnik Uprave za administraciju - Bošnjak.

U odnosu na drugi dio poslaničkog pitanja, informišemo Vas o slijedećem:

U Aktu Tužiteljstva Bosne i Hercegovine (broj A-RZ-243/07 od 09.11.2007. godine) ,dostavljenog Graničnoj policiji Bosne i Hercegovine, navedeno je, da Tužiteljstvo sprovodi istragu protiv Alagić Vahida i drugih,zbog postojanja osnova sumnje da su počinili kazneno djelo, kvalifikovano kao ratni zločin.

Poslije zaprimljenog akta u Graničnoj policiji Bosne i Hercegovine, postupljeno je, saglasno odredbama člana 114. stav 3. Zakona o policijskim službenicima Bosne i Hercegovine (Službeni glasnik BiH broj:27/04,63/04,05/06,33/06,58/06,15/08 i 63/08) i člana 19. stav 4. Pravilnika o disciplinskoj odgovornosti policijskih službenika BiH (broj:01-02-719/04 od 08.12.2004.godine), tako što je Disciplinskoj komisiji Granične policije Bosne i Hercegovine, podnesen Zahtjev za pokretanje disciplinskog postupka (Broj:pov.18-06-109/07 od 06.12.2007. godine) protiv policijskog službenika Alagić Vahida, postavljenog na poziciju „zamjenik direktora Granične policije Bosne i Hercegovine“ zbog postojanja osnova sumnje da je počinio krivično djelo, koje se kvalifikuje kao „zločin protiv čovječnosti“ iz člana 172. i krivično djelo „zločin protiv civilnog stanovništva“iz člana 173. stav 1. tačka c) u vezi sa članom 180. stav 1. i 2. Kaznenog zakona Bosne i Hercegovine.

Navedenim radnjama, imenovani bi počinio težu povredu službene dužnosti iz člana 105. stav 1. tačka 9. Zakona o policijskim službenicima Bosne i Hercegovine i člana 5. stav 1. tačke 9. Pravilnika o disciplinskoj odgovornosti policijskih službenika BiH, što se definiše kao „ponašanje koje narušava ugled policijskog organa“.

Na osnovu podnesenog Zahtjeva, Disciplinska komisija Granične policije BiH donijela je Rješenje (broj:DP-53/07 od 06.12.2007. godine), kojim se pokreće disciplinski postupak, protiv Alagić Vahida , zbog sumnje da je počinio težu povredu službene dužnosti iz člana 105. stav.1.tačke 9. Zakona o policijskim službenicima Bosne i Hercegovine i člana 5. stav 1. tačka 9. Pravilnika o disciplinskoj odgovornosti policijskih službenika Bosne i Hercegovine, odnosno, ponašanja koje narušava ugled policijskog organa.

Tokom preduzimanja daljih radnji,od strane direktora Granične policije Bosne i Hercegovine , doneseno je Rješenje (broj:18-05-2-34-2964/07 od 07.12.2007. godine) kojim se Alagić Vahid, imenovan na dužnost „zamjenika direktora Granične policije Bosne i Hercegovine “ privremeno suspenduje iz Granične policije Bosne i Hercegovine, odnosno sa dužnosti koju obavlja , počev od 07.12.2007. godine, do okončanja krivičnog postupka, ili do okončanja krivične istrage.

Rješenje o privremenoj suspenziji je, kao imperativna norma, doneseno, shodno odredbama člana 112. stav 1. i člana 114. stav 3. Zakona o policijskim službenicima Bosne i Hercegovine, cijeneći, da bi bilo štetno po interes službe, da imenovani i dalje ostane na dužnosti koju obavlja u Graničnoj policiji Bosne i Hercegovine.

S obzirom da Granična policija Bosne i Hercegovine, do sada, nije informisana od strane Tužiteljstva Bosne i Hercegovine, o statusu istrage u predmetu koji se vodi protiv Alagić Vahida, Rješenje o privremenoj suspenziji sa dužnosti, traje i dalje, odnosno do okončanja krivičnog postupka, ili krivične istrage.

S poštovanjem,

Dostaviti :

- adresatu x 1
- u spis predmeta x 1
- a/a





BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-699/10
Sarajevo, 29.3.2010. godine

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 30.03.2010			
Organizacioni odjel	Klasifikacione oznake	Redni broj	Broj strana
01-50-1-15-48/09			

PARLAMENTARNA SKUPŠTINA BiH

- Zastupnički dom -


SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 117. sjednici održanoj 25.3.2010. godine, utvrdilo je Odgovor na zastupničko pitanje koje je postavio gosp. Šemsudin Mehmedović, zastupnik u Zastupničkom domu Parlamentarne skupštine Bosne i Hercegovine.

U privitku dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-699/10

Sarajevo, 29.3.2010. godine

Šemsudin Mehmedović, zastupnik u Zastupničkom domu Parlamentarne skupštine Bosne i Hercegovine, na 48. sjednici Zastupničkog doma održanoj 18.03.2009 godine, postavio je sljedeće pitanje:

„Kada će se izvršiti usklađivanje koeficijenata za obračun plaće za poslove koji po stupnju složenosti spadaju u pomoćno-tehničke poslove (operativno-tehnički složeni poslovi) na razini Vijeća ministara?“

Na postavljeno zastupničko pitanje, Vijeće ministara Bosne i Hercegovine u smislu članka 37. Zakona o Vijeću ministara Bosne i Hercegovine („Službeni glasnik BiH“, broj 38/02), na 117. sjednici održanoj 25. 03. 2010. godine utvrdilo je sljedeći

ODGOVOR

Platni razredi i koeficijenti za uposlenike u institucijama Bosne i Hercegovine utvrđeni su odredbama članka 24. Zakona o plaćama i naknadama u institucijama BiH („Službeni glasnik BiH“ br. 50/08, 35/09 i 75/09). Člankom 25. stavak (2) Zakona o plaćama i naknadama u institucijama BiH je precizirano da se utvrđivanje pripadnosti radnih mjesta platnim razredima C2, C3, C4 i C5 iz članka 24 Zakona obavlja uz uvažavanje kriterija navedenih u članku 54. stavak (5) Zakona o plaćama i naknadama u institucijama BiH dok je stavkom (3) istog članka precizirano da Vijeće ministara podzakonskim aktom utvrđuje detaljnije kriterije za razvrstavanje radnih mjesta u platne razrede C2, C3, C4 i C5 iz članka 24. predmetnog zakona. Također, člankom 25. stavak (4) Zakona je precizirano da na akte o razvrstavanju radnih mjesta u platne razrede C2, C3, C4 i C5 iz članka 24. ovog zakona suglasnost daje Vijeće ministara.

U cilju provedbe predmetnog zakona, a sukladno članku 54. stavak (1) Zakona o plaćama i naknadama u institucijama BiH, Vijeće ministara BiH je formiralo Povjerenstvo za plaće i naknade u institucijama BiH („Službeni glasnik BiH“, broj 21/09). Jedan od zadataka Povjerenstva jeste i izrada prijedloga Metodologije za razvrstavanje radnih mjesta srednje stručne sprema u platne razrede C3, C4 i C5 iz članka 24. Zakona o plaćama i naknadama u institucijama BiH. Prema informacijama s kojima raspolaže Ministarstvo financija i trezora Povjerenstvo je utvrdilo prijedlog navedene metodologije i isti uputila Vijeću ministara na usvajanje.

Donošenjem predmetne metodologije, sve institucije BiH će biti obvezne da, sukladno odredbama iste, izvrše razvrstavanje radnih mjesta srednje stručne sprema u platne razrede C3, C4, C5 iz članka 24. Zakona, s tim da će konačnu suglasnost na akte o razvrstavanju radnog mjesta u navedene platne razrede, sukladno članku 25. stavak (4) Zakona, dati Vijeće ministara BiH.

Usvajanjem navedene metodologije, te dosljednom primjenom odredbi iste osigurati će se poštivanje načela „Ista plaća za isti ili sličan posao“ utvrđenog odredbama članka 3. stavak 1. točka a) Zakona o plaćama i naknadama u institucijama BiH.



URED ZA REVIZIJU INSTITUCIJA BiH
КАНЦЕЛАРИЈА ЗА РЕВИЗИЈУ ИНСТИТУЦИЈА БИХ
AUDIT OFFICE OF THE INSTITUTIONS OF BOSNIA AND HERZEGOVINA



H.Čemerlića 2, 71000 Sarajevo, Tel: ++ 387 (0) 33 70 35 73, Fax: 70 35 65 - www.revizija.gov.ba, e-mail: saibih@bih.net.ba

Broj: 01-01-50-216-1/109
Sarajevo, 03.04.2009. godine

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 08.04.2009			
Organizaciona jedinica	Klasifikaciona oznaka	Redni broj	Broj priloga
01-50-1-15-48/09			

Bosna i Hercegovina
PARLAMENTARNA SKUPŠTINA BOSNE I HERCEGOVINE

Zastupnički dom

n/r gospodina Beriza Belkića, predsjedatelja

Predmet: Poslaničko pitanje, odgovor - dostavlja se
Veza: Vaš akt broj: 01-50-1-15-48/09 od 23.03.2009. godine

Cijenjeni,

U svezi sa vašim zahtjevom za dostavljanje odgovora na poslaničko pitanje poslanika Šemsudina Mehmedovića, postavljeno, u pisanoj formi, glavnom revizoru Ureda za reviziju institucija Bosne i Hercegovine, a koje glasi:

'Kada će se izvršiti uskladjivanje koeficijenta za obračun plaća za poslove koji po stupnju složenosti spadaju u pomoćno-tehničke poslove (operativno-tehnički složeni poslovi) na razini Vijeća ministara?, te

Koji je vremenski rok da revizija utvrdi ovo stanje i donese stav o ovom pitanju gdje neće biti mjesta degradiranju uposlenika po bilo kojoj osnovi?

ovim vas izvješćujemo o slijedećem:

Sukladno Zakonu o reviziji institucija Bosne i Hercegovine ('Službeni glasnik BiH', broj 12/06), Ured za reviziju institucija Bosne i Hercegovine vrši reviziju ukupnog finansijskog poslovanja institucija Bosne i Hercegovine, temeljem Plana revizije, i prema ranije utvrdjenoj dinamici.

Odredbe spomenutog Zakona, niti jednom dijelom kojim se definiraju obveze i mandat revizije, ne predviđaju izražavanje izdvojenog mišljenja o pojedinačnim slučajevima, uključujući davanje odgovora za koje revizija nema mandat.

U tom smislu, prepoznajući predmetni zahtjev kao pitanje koje se izravno odnosi na primjenu Zakona o plaćama i naknadama u institucijama Bosne i Hercegovine ('Službeni glasnik BiH', broj 50/08), podsjećamo ovom prigodom na članak 53. stavak (1) spomenutog Zakona koji predviđa da nadzor nad primjenom istog vrši Ministarstvo financija i trezora Bosne i Hercegovine.

Nadalje, stavak (2) istog članka eksplicitno propisuje da se 'u slučaju spora između Ministarstva financija i trezora BiH i institucije Bosne i Hercegovine u svezi s primjenom odredaba ovog zakona (Zakona o plaćama i naknadama u institucijama BiH) u dijelu koji se

odnosi na obračun i isplatu ličnih primanja uposlenih, primjenjuje postojeće rješenje do završetka upravnog postupka kod nadležnog tijela Vijeća ministara'.

Podsjećamo, takodjer, kako je temeljem članka 54. stavak (1) Zakona o plaćama i naknadama u institucijama Bosne i Hercegovine, koji *radi provođenja ovog Zakona* predviđa formiranje neovisnog interesornog radnog tijela od sedam članova, a koje imenuje Vijeće ministara Bosne i Hercegovine, Vijeće ministara Bosne i Hercegovine donijelo Odluku o formiranju povjerenstva za plaće i naknade u institucijama Bosne i Hercegovine ('Službeni glasnik BiH', broj 21/09) sa jasno utvrđenim mandatom definiranim u članku 3. stavak (1) Odluke, a koja podrazumijeva:

'Izradu kriterija i procedura za vrjednovanje radnih mjesta i utvrđivanje unutarnjih platnih razreda, analizu fiskalne održivosti i pripremu dokumenta Politika plaća u institucijama Bosne i Hercegovine za određeni period'.

Članak 54. stavak (4) Zakona o plaćama i naknadama u institucijama Bosne i Hercegovine, takodjer, definirajući način provođenja Zakona, predviđa kako će **'interesorno radno tijelo utvrditi metodologiju za razvrstavanje radnih mjesta u platne razrede kao i kriterije za napredovanje unutar platnog razreda'.**

Članak 57. navedenog Zakona, podsjećamo, u dijelu kojima se definiraju podzakonska akta, predviđa da će **'Vijeće ministara donijeti, u roku od 60 dana od dana stupanja na snagu Zakona, podzakonska akta utvrdjena ovim Zakonom (članak 30. stavak (1))'**, koja odredba i zakonom definirani rokovi nisu ispoštovani.

Imajući u vidu prednje navedeno, Ured za reviziju institucija BiH cijeni kako nema mandat za izjašnjavanje po navedenom pitanju, te da su analiza predmetnog pitanja i upućivanje odgovora po istom, dijelom mandata druge institucije Bosne i Hercegovine.

S poštovanjem,

